

續修平利縣志

一
函
四
冊

續修平利縣志卷之四

田賦志

原額上中下九等共地一百七頃六畝四分八毫
八絲三忽六纖六塵每畝取科不等一百一十八石五斗
十六石六斗七升七合二勺六抄每石捐錢一兩三錢五
分二釐八毫六絲九忽五微共計額征銀一千二百六十二
兩七錢三分一釐五毫六絲七忽五微八纖

順治七年豁免荒地八十頃六十三畝零應免銀一千零四
兩九錢九分有奇順治十五年並康熙八年及二十三年蠲
免三十五頃四十一畝零應免銀三百二十五兩一錢五分
有奇道光三年分撥磚坪廳地四十七畝有奇

[丁]原額人丁三等九則不等共折下下丁五千五十七丁每
丁征銀二錢五分有奇順治七年及十五年因逃亡奏請豁
免四千八百九十五丁實共征銀三十三兩七分有奇於雍
正五年攤入地糧征解乾隆年間編出三十五丁仍遵康熙
五十二年 恩詔以康熙五十年丁冊爲定永不加賦荒山
僻壤生計艱難俱涵泳於聖人之澤而不知也嗚呼仁矣
均徭銀一千四百六十二兩九錢八分有奇除荒銀一千二
百八十四兩七錢五分有奇實征銀一百七十八兩二錢二
分有奇道光三年分撥磚坪廳銀六兩四錢八分有奇

此係賦役全書所載茲據歷年以至現今奏銷實與賦役
全書銀數不符謹將縣冊奏銷銀兩成數節錄於後
地丁並均徭額征銀除荒銀及豁免分撥磚坪外實應征
銀三百八十一兩二錢八分八釐五毫八絲九忽六微七

纖八塵

一額外應征課程銀四兩

一額外應征麝香藥味並解藥腳價盤費共銀二兩五錢

七分八釐

一每兩隨征銀一錢五分共耗羨銀五十八兩一錢七分

九釐九毫八絲八忽二微一纖八塵二渺

一地丁均徭並課程藥味等項遇閏應加閏銀一十五兩

三錢四分七釐一毫

一耗羨遇閏應加銀二兩三錢二釐六絲六忽六纖

祿米一百一十壹石七斗三升除荒米九十八石一斗一升

八合有奇實征米一十三石六斗一合有奇道光三年分

撥磚坪廳四斗九升有奇

鹽課乾隆初尚食河東引鹽每年額銷引張十道計銀四十
六兩二錢六釐乾隆五十七年攤入地丁每兩征銀九分
九釐零遇閏無增永不加耗咸豐四年課銀解交本省藩

庫不解河東引張亦停領共額征課銀八十二兩七錢三分有奇分撥磚坪廳銀二兩四錢七分有奇

稅額外牙稅銀三兩四錢六分六釐

係領帖者出辦

額外地稅銀十四五兩不等

係買房地業主出辦無定額儘收儘解

額外畜稅銀十四五兩不等

係買驃馬者出辦無定額儘收儘解

額外鎮坪分縣地稅銀二兩二錢三分三釐

額外鎮坪分縣畜稅銀三兩二錢

續修平利縣志卷之四

田賦志

倉儲

常平倉

乾隆間在舊縣後遷白土關在今縣城南街倉十九間嘉慶二十一年邑令呂璠朱敦瀉建修年久坍塌道光十八年邑令汪杰重修添建倉廩三十二間光緒以後屢經平糶糴歸於倉每有贏餘除每歲支銷因糧外實存京斗稻穀七千一百一十四石七斗二升三合九勺九抄

社倉

原在舊縣獅子壩秋河上壩長沙舖及今縣城六處同治元年賊匪入境社倉盡毀寄存城內常平

倉今實存京斗稻穀貳千叁百玖十陸石七斗三升七合五勺

義倉

光緒六年六月巡撫馮公譽驥札飭設立義倉六十九保共存京斗稻穀壹萬肆千叁百貳十貳石叁斗柒升

邑處萬山之中飛輓甚難凶歲民無所得食有奔馳百里外而不能糴升斗者同治甲子光緒丁丑其前車之鑒也常平以平糴義倉以均借活民無算食爲民天願不重哉

續修平利縣志卷之四

田賦志

戶口

明一統志編戶八里 本朝編戶五里曰舊縣曰同仁曰廣化曰咸休曰新安乾隆中設立鄉保一十九地爲縣城爲縣河縣下河水田河大貴坪魏塢獅子塢豐口塢嵐河下塢白土營中下塢中塢上塢冲河石牛河連仙河太平河秋河等處今編城鄉爲六十八保首縣城東西關保東鄉則上中塢連仙河石牛河長安上塢長安中塢金沙河下冲河上冲河松杉河洋溪上洪石河中洪石河下洪石河秋河秋山溝曾家塢保十有六南鄉則沙家河下太平河上太平河八道河

大香河百好河白沙河八仙河龍碕河正中河讓河獅子坪
千家坪太平橋牙河創石河正陽河保十有七西鄉則仁和
保豐厚塢獅子塢小峯塢南坪岱硤毛家溝線河五柯樹尚
家塢蒿子塢泗郎廟湖河小溪河柳林塢下塢徐家塢淑河
保十有八北鄉則有毛塢大貴坪縣東河縣北河縣下河馬
鞍舖汝河魏塢貢元河嚴家灣頭洞子貫溝棕溪溝梁家塢
黃洋河百家灣水田河保十有六鎮坪在縣之東南首城關
內外鄉則百人溝水晶坪馮家營竹葉關白硃硤大小湖河
白土嶺古里渡文彩石砦河大小曙河平溪河竹溪河上中
下毛塢乾洲河康熙五十年戶凡四百九十有二口凡一千
九百一十有三乾隆十九年合營兵及僑居之家戶增一千

八百二十有六口增六千五百九十有六至光緒二十年編
查保甲視康熙時戶增二萬六千零二十八口增一十四萬
三千零七十二

康熙末戶僅四百餘至今增至五十倍嘉慶同治迭遭兵
燹然猶繁衍如此休養生息之效可知也顧開墾多而地
利竭良莠雜而風俗偷有心世道者尤於此三致意焉

續修平利縣志卷之四

田賦志

堰渠

黃洋河河北古堰可灌田一百二十餘畝下河十里新堰可灌田九十餘畝

大貴坪上埧古堰在河西可灌田八十畝中埧新堰可灌田一百餘畝下埧新堰可灌田一百四十餘畝

八角廟新堰由秋山溝發源可灌田九十餘畝

豐口埧河北舊有小堰三道河南舊有小堰一道可灌田一百七十餘畝

獅子埧河南舊有小堰二道可灌田一百五十餘畝河北新

卷四
堰一道可灌田六十餘畝

冲河舊有小堰可灌田一百五十餘畝

下埧河西新堰可灌田四十餘畝芍藥溝新堰水流長沙鋪河東河西可灌田四十餘畝

太平河河西黑虎廟新堰可灌田六十餘畝河東黃土嶺新堰可灌田五十餘畝太平河東西新堰可灌田七十餘畝上埧仙佛洞河東新堰可灌田四十餘畝官溝河東新堰可灌田一百餘畝柴家溝河東河西新堰各一道可灌田一百餘畝

秋河河西新堰可灌田一百三十餘畝

曾家埧牽牛河北新堰可灌田八十餘畝

長安埧相近有石嘴黃沙二堰俱引界溪河水

按乾隆二十年舊志豐口埧獅子埧等處僅小堰六道至道光四年邑令諸能定詳報古堰新堰特就大處言之俗名爲堰卽古溝洫也凡傍山小田能引水灌溉之處均由鄉民自行修濬移徙無常不及備載又有無水之田乾隆十八年邑令黃寬捐造肩水輪車八輛分發四鄉令仿其式以灌田至今賴之



續修平利縣志卷之五

官師志

謝述

南史謝景仁傳弟述爲太尉參軍從征司馬休之封吉陽縣五等侯

王蘊

南史王彧傳兄子蘊齊明帝時封吉陽男

薛烈

齊書烈以平石頭功封吉陽縣男又平利有懷

簡王範壑明史諸王世表韓簡王松孫薨後無子

國除

按分茅胙土親賢是錫後世封爵雖不盡建藩其地然
一代典制攸屬仍列職官之首

知縣

張約之

綱目宋文帝元嘉元年爲吉陽令以廬陵王義真見廢上疏救之

張峭

後唐平利令宋史張宏傳父峭業春秋一舉不第退居邱園後唐天成中以賢帥後補協律郎仕至平利令按峭曾祖茂昭唐易定節度使

明數員見碑記及州志

安章

山西太原人成化元年任

趙相賢

河南內黃人成化年任

劉倫

山東濟甯人成化十三年任爲新解字見教諭劉博記

李瑚

正德五年任